

常德文徵卷六

詩 七言古

漢

馬

援 字文淵茂  
陵扶風人

武陵深行

滔滔武溪一何深飛鳥不度獸不臨吁嗟哉武溪多毒淫

唐

王

維 字摩詰太  
原祁人

桃源行

漁舟逐水愛山春兩岸桃花夾去津坐看紅樹不知遠行盡

常德文徵

卷六

七言古

一

青谿不見人山口潛行始隈隩山開曠望旋平陸遙看一處攢雲樹近入千家散花竹樵客初傳漢姓名居人未改秦衣服居人共住武陵源還從物外起田園月明松下房龍靜日出雲中雞犬喧驚聞俗客爭來集競引還家問都邑平明問巷掃花開薄暮漁樵乘水入初因避地去人間及至成仙去不還峽裏誰知有人事世上遙望空青山不疑靈境難聞見塵心未盡思鄉縣出洞無論隔山水辭家終擬常遊衍自謂經過舊不迷安知峯壑今來變當時只記入山深清溪幾曲到雲林春來遍是桃花水不辨仙源何處尋

劉長卿

字文房  
河澗人

送郭六侍從之武陵郡

常愛武陵郡羨君將遠尋空憐世界迫孤負桃源心洛陽遙  
想桃源隔野水閒流春自碧花下常迷楚客船洞中時見秦  
人宅落日相看斗酒前送君南望但依然河梁馬首隨春草  
江路猿聲愁暮天文人別乘佐分憂才子趨庭兼勝遊灃浦  
荆門行可見知君詩興滿滄洲

武元衡

字伯蒼  
緱氏人

桃源行送友

武陵川徑入幽遐中有雞犬秦人家家家傍流水多桃花桃花  
兩邊種來久流水一道何時有垂條落蕊暗春風夾岸芳菲

常德文徵

卷六

七言古

二

至山口歲歲年年能寂寥林下青苔日爲厚時有仙鳥來銜  
花曾無世人此攜手可憐不知若爲名君往一作任從之多所  
更古驛荒橋平路盡崩湍怪石小溪行相見維舟登覽處紅  
隄綠岸宛然成多君此去從仙隱令人晚節悔營營

權德輿

字載之  
畧陽人

桃源篇

小年嘗讀桃源記忽覩良工施繪事巖徑初欣繚繞通溪風  
轉覺芬芳異一路仙雲雜彩霞漁舟遠遠逐桃花漸入空濛  
迷鳥道寧知掩映有人家龐眉秀骨爭迎客鑿井耕田人世  
隔不知漢代有衣冠猶說秦家變阡陌石髓雲英甘且香仙

翁留飯出青囊相逢自是松喬侶良會應殊劉阮郎內子□  
吟倚瑤瑟翫此沉沉銷永日忽聞麗曲金玉聲便使老夫思  
閣筆

韓

愈

字退之鄧  
州南陽人

桃源圖

神仙有無何渺茫桃源之說誠荒唐流水盤迴山百轉生綃  
數幅垂中堂武陵太守好事者題封遠寄南宮下南宮先生  
欣得之波濤入筆驅文辭文工畫妙各臻極異境恍忽移於  
斯架岩鑿谷開宮室結屋連牆千萬日羸顛劉蹶了不聞地  
折天分非所恤種桃處處惟聞花川原遠近蒸紅霞初來猶

常德文徵

卷六

七言古

三

自記鄉縣歲久此地還成家漁舟之子來何所物色相猜更  
問語大蛇中斷喪前王羣馬南渡開新主聽終辭絕共悽然  
自說今經六百年當時萬事皆眼見不知幾許猶流傳爭持  
牛酒來相餽禮數不同樽俎異月明伴宿玉堂空骨冷魂清  
無夢寐夜半金雞啁晰鳴火輪飛出客心驚人間有累不可  
往悠然離別難爲情船開棹進一回顧萬里蒼茫烟水暮世  
俗寧知僞與真至今傳者武陵人

劉禹錫

八月十五日夜桃源玩月

塵中見月心亦閒況是清秋仙府間凝光悠悠寒露墜此時

立在最高山碧虛無雲風不起山上長松山下水羣動翛然  
一顧中天高地平千萬里少君引我昇玉壇禮空遙請真仙  
官雲駢欲下星斗動天樂一聲肌骨寒金霞昕昕漸東上輪  
欵影促猶頻望絕景良時難再并他年此日應惆悵叔父元  
和中徵  
昔事爲桃源行後貶官武陵復爲玩月作並題於壁爾來  
星紀再周蕪牽改此郡仰見文字□缺伏慮□□將塵沒  
故鐫在貞石以期不  
朽太和四年蕪謹記

### 採菱行

武陵俗嗜菱菱秋矣有女郎盛遊於馬湖薄言採之  
歸以御客古有采菱曲罕傳其詞故賦之以俟採詩者

白馬湖平秋日光紫菱如錦綵鴛翔蕩舟游女滿中央采菱  
不顧馬上郎爭多逐勝紛相尙時轉蘭橈破輕浪長鬟弱袂

### 常德文徵

#### 卷六

七言古

四

披參差釵影釧光浮蕩漾笑語哇咬顧晚暉蓼花緣岸扣舷  
歸歸來共到市橋步野蔓繫船萍滿衣家家竹樓臨廣陌下  
有連檣多估客攜觴薦菱夜經過醉踏大隄相應歌屈平祠  
下沉江水月照寒波白烟起一曲南音此地聞長安北望□  
千里

### 龍陽縣歌

縣門白日無塵土百姓縣前挽魚罟主人引客登大隄小兒  
縱觀黃犬怒鷓鴣驚鳴繞籬落橘柚垂芬照牕戶沙平草綠  
見吏稀寂寥斜陽照縣鼓

### 桃源行

漁舟何招招浮在武陵水垂綸擲餌信流去誤入桃源行數里清源尋盡花綿綿踏花覓徑至洞前洞門蒼黑烟霧生暗行數步逢虛明俗人毛骨驚仙子爭來致詞何至此須臾皆破冰雲顏笑言委曲問人間因嗟隱身來種玉不知人世如風燭筵羞石髓勸客滄燈爇松脂留客宿雞聲吠聲遙相聞曉色葱蘢開五雲漁人振衣起出戶滿庭無路花紛紛翻然恐失鄉縣處一息不肯桃源住桃源滿溪水似鏡塵心如垢洗不去仙家一去尋無踪至今流水山重重

競渡曲

競渡始於武陵及今舉楫而相和之其音咸呼云何在斯招屈之義事見圖經

沅江五月平隄流邑人相將浮綵舟靈均何年歌已矣哀謠

常德文徵

卷六

七言古

五

振楫從此起楊桴擊節雷闐闐亂流齊進聲轟然蛟龍得雨鬢鬣動螭螻飲河形影聯刺史臨流褰翠幃揭竿命爵分雄雌先鳴餘勇爭鼓舞未至銜枚顏色沮百勝本自有前期一飛由來無定所風俗如狂重此時縱觀雲委江之湄綵旗夾岸照蛟空羅襪凌波呈水嬉曲終人散空愁暮招屈亭前水東注

薛

巽朗州司戶

善卷祠

子長愛奇故不收况乃著論非許由先生踪跡重埋沒引舜作證應點頭天下大器尙不欲萬古虛名豈願留江北漫空

山不靜說著高風簪可投

僧皎然

長城人靈  
運十世孫

兵後西日溪行 并序

沈義仙記銅峴地也此一章靈澈上聖桃源記天地  
改花源在卽此地也

一從清氣上爲天仙叟何年見乾海黃河幾度濁復清此水  
如今未曾改西尋仙人渚誤入桃花穴風吹花片使我迷時  
時問山驚踏雪石梁丹竈意更竒石梁丹竈銅峴仙春草不  
生多故轍我來隱道非隱身如今世上無風塵路是武陵路  
人非秦代人飯松得高侶濯足偶清津數片昔賢磐石在幾  
迴並坐戴綸巾

常德文徵

卷六

七言古

六

宋

王安石

字介甫  
臨川人

桃源行

望夷宮中鹿爲馬秦人半死長城下避世不獨商山翁亦有  
桃源種桃者一來種桃不計春采花食實枝爲薪兒孫生長  
與世隔知有父子無君臣漁郎放舟迷遠近花間忽見驚相  
問世上空知古有秦山中豈料今爲晉聞道長安吹戰塵東  
風回首亦沾襟重華一去不復得天下紛紛經幾秦

李氏沅江堂

□江水有梁與醫沅田樹桑可蠶耕君子其間□射利獨岸

清泚留朱薨詩書當前日開閣冠帶滿座相逢迎勉求高論  
出施設無以私智爲公卿

周必大字子充廬陵人

### 漁父春歌

三湘七澤雲連水短棹意行無遠爾江花時傍綠蓑飛水鳥  
忽隨清唱起醉後歡呼踏浪兒鮪可鱸兮杭可炊芳草從教  
天樣遠都無閒恨寄萋迷碧桃幾片來何處試訪秦人武陵  
路

范成大字致能吳郡人

連日風作洞庭不可渡出赤沙湖

常德文徵

卷六

七言古

七

金沙堆前風未平赤沙湖邊波不驚客行但逐安穩去三十  
六灣漲痕生滄洲寒食春亦到荻芽深碧萋芽青汨羅水飽  
動荆渚嶽麓雨來昏洞庭大荒無依飛鳥絕天地惟有孤舟  
行慷慨悲歌續楚些彷彿幽瑟迎湘靈黃昏慘淡穢極浦雖  
有漁舍無人聲冬湖落瀍此暫住春潦怒長隨□耕吾生一  
葉寄萬木况復搖落浮滄溟漁蠻尙自有常處羈宦方汝尤  
飄零

王十朋字龜齡樂清人

### 和桃源圖詩

□秦斬新開混茫傲視前古無虞唐詩書爲灰儒鬼哭李斯

□□中國堂長城丁盡無還者送人更至驪山下避世高人  
何所之出門永與鄰家辭入山唯恐不深遠豈是得已巢於  
□來時六合爲秦室未審今爲何歲月吏不到門租不輸子  
長丁添更何卹春入山中桃自花招邀隱侶傾流霞男耕女  
織自婚嫁派別支分都已家誰泛漁舟迷所處山門洞闢聞  
人語乍相驚問卒相歡設酒烹雞講賓主可憐秦事已變遷  
帝業初期萬萬年猶道祖龍長在世豈知異事革三傳鄰里  
慇懃爭餉饋人情與世無相異未信壺中別有天却訝身游  
如夢寐山花亂眼鳥哀鳴數日留連喜復驚更從洞口尋鄉  
路逢人欲話疑非情異日扁舟來重顧水眩水迷紅日暮後  
來圖畫了非眞作記淵明乃晉人

常德文徵

卷六

七言古

八

王庭珪

字民瞻  
安福人

和劉美中尙書聽寶月彈桃源春曉

何年鑿源開混茫桃花兩岸吹紅香烟消遠浦生微陽漁舟  
誤行溪水長溪迴岸轉山隙光疑有絳闕仙人房居民爭出  
羅酒漿花間笑語音琅琅抱琴釋子眉髮蒼流泉韻磬鳴長  
廊能彈往事悲孟嘗昔時臺沼今耕桑又如勇士赴敵場坐  
令遊子思故鄉清猿抱木號鴻荒孤吟劃見丹鳳翔曲終待  
月西南廂重調十指初不忙如見古畫秦衣裳春天百鳥爭  
頡頏桃源歸來今已忘彈到落花空斷腸

馮信可見桃源志

桃源圖

桃源東迴溪轉長桃花開時春光幽禽出樹亂紅落遊魚  
吹花流水香山人正住溪之澣屋角花開自成塢尋源未許  
武陵人隱者但作桃溪主扶杖穿花來水頭禽魚亦解識風  
流往來況有樵雲叟何惜啣杯同唱酬一尊時出桃花色花  
落尊中已無迹醉鄉悠悠白日閒黃塵滾滾青山隔明年此  
日桃花開山人淨掃溪陰苔我亦天台約劉阮春風一棹酒  
船來

胡宏字仲安  
國仲子

常德文徵

卷六

七言古

九

桃源行

北歸已過沅湘渡騎馬東風武陵路山花無限不關心惟愛  
桃花古來樹聞說桃花更有源居人共得仙家趣之子漁舟  
安在哉我欲乘之望源去遙想當時魚得錢買酒醉臥桃花  
邊桃花風吹入夢裏自與人世相周旋靖節先生絕世人焉  
能記僞不考真一生高步窘末代雅志不肯爲秦民故作詩  
文寫幽意要似寰海離風塵山原遠近蒸霞開宜有一片隨  
水從東來及晨遍覽三春色莫使風雨空莓苔

金

元德明秀容人

桃源行

山中三日山桃開紅霞爛漫無邊涯山家藏春藏不得落花  
流水人間來憶昔攜家竄巖谷秦人半向長城哭回顧塵土  
失咸陽繒弋徒勞羨鴻鵠冬裘夏葛存大樸小國寡民皆樂  
俗晝永垣籬雞犬閒春晴門巷桑榆綠漁郎偶到本無心仙  
境何緣得重尋今日武陵圖上看惟見雲林深復深

元

薩都刺

字天錫  
雁門人

桃源行題趙仲穆畫

長城遠築阿房起黔首驅除若螻蟻誰知別有小乾坤藏在

常德文徵

卷六

七言古

十

桃花白雲裏桃花重重間白雲洞門鎖住千年春男耕女織  
作生業版籍不是秦家民桑麻雞犬村村屋流水門牆映花  
竹無端漁父緣蓑衣帶得黃塵入幽谷主人迎客坐茅堂共  
話山中日月長但見花開又花落豈知世上誰興亡明朝漁  
父歸城市回首雲山若干里再來何處覓仙蹤恨滿桃花一  
溪水

張天英

字楠渠  
溫州人

武陵春曉曲

武陵春曉烟冥冥漁歌蘭棹搖殘星溪涵山氣綠如酒幽禽  
□破松烟青天上時聞鳳凰曲金門飛夢人初醒長嘯銀臺

月中落空翠著衣香霧薄忽見安期蓬海東  
劍佩從風降元鶴陽鳥銜火縣扶桑袖卷紅  
雲朝帝旁手攬龍車覩天光下  
覩蟻國空千霜

趙孟頫

字子昂秦  
王德芳後

題商德符學士桃源春曉圖

宿雲初散青山濕落紅繽紛溪水急桃花源裏得春多  
洞口春烟搖綠蘿綠蘿搖烟挂絕壁飛流直下三千尺  
瑤草離離滿澗阿長松落落凌空碧雞鳴犬吠自成村  
居人至老不相識瀛洲仙客知仙路點染丹青寄輕素  
何處有山如此圖移家欲向山中住

常德文徵

卷六

七言古

十一

顧瑛

棲雲軒

春雲壓簾飛不起暖氣葱蘢百餘里桃李亭亭笑酣春  
谿邊浣花染溪水武陵才人碧牕底青霓衣裳白霞裏  
翠烟點染猩猩毛冰綃凝文露華洗山光入眼青青迷  
小鳥向人啼復啼前村後村樹如蓋柳花起舞迴風低  
雲師雨師浩無據驅雲勞勞向何處請君勸師一杯酒  
更借白雲檐下住

王儒真

見沅  
江志

臥龍墨池

□何爲賦梁甫吟襄州刺史常相盟一朝先主枉三顧如魚

得水躬逢迎，自云管樂功。相比身寓隆，中人未許六韜竒策。  
吐心胸八陣雄圖誓，神鬼想因昔者過。此時停鞭爲寫征蠻  
詩，陳元毛穎俱列侍。獨遣陶泓浣此池，池中有水清而潔。浮  
屠之宮居其側，晨鐘暮鼓每相聞。疑有風雲驚過客。

明

歐陽重

見列朝詩

桃源行

王澤已竭，麈戎馬秦并晉。禪分天下，桃源非遠亦非深。豈有  
晉時避秦者，移唐及晉春。復春五季羣胡如析薪，當時此地  
久內屬。亦有地外稱藩臣，武陵竒遠不徵近。南宮眞僞空相  
問，深山無處避青苗。解悼重華悲秦晉，桃川有路非紅塵。桃  
宮有客著黃巾，脫身仙跡尙未免。吁嗟貢賦那先秦。

王

偁

字孟陽東阿人

宿桃溪方翁家贈別

清溪一帶綠桃花，春來水上流胡麻。東風尋源泛瑤草，雲中  
遠見山人家。於茲水木相含景，裊裊松杉亂天影。少焉林壑  
眾籟鳴，巾舄飛來片雲冷。二三老人住東陂，薜衣霜雪垂兩  
眉。自言入山歲已久，不知人世今何時。傳聞有客驚還喜，共  
薦清泉飯松子。烟林霧篠不逢人，碧草苔花應滿地。問予何  
事在塵間，那似山中日月閒。澗戶聊同魚鳥醉，石牀常伴雲

常德文徵

卷六

七言古

十二

霞眠乍逢靈境眞堪悅區緣未謝還成別別後重來定幾時  
夢繞溪邊綠蘿月

何夢春

字子元  
郴州人

桃源圖

昔我遊武陵坐石窺花源岸隔丹洞闕風迴綠夢翻崩巖奔  
古月踏障響哀猿行車亦已過始知人境喧眞陽先令欲南  
往手持新畫來相訪武陵山水多不睹今晨置我高堂上巖  
穴如聞雞犬聲村墟但見桑麻長彷彿潭水濱點綴桃花春  
山川似晉代衣冠猶秦人回首茫然一烟霧尋源往復知眞  
處投簪福地終有期畫中先認桃源樹

常德文徵

卷六

七言古

十三

闕名

龍門禱雨歌

龍門勝境由天作形勢岩堯鎮磅礴化工神妙非雕琢怪石  
竒山似蓬弱前村土穴疇能鑿容納百川并萬壑穿山入洞  
湍飛躍洞裏乾坤大開拓潭深萬仞不可度徹底澄清撓不  
濁後門仰天無鎖鑰出人應須結繩索幽崖數里長漠漠燃  
炬趨趨難著脚中有洞房殊寥廓古來云是觀音閣神龍有  
像垂纓絡童子兩旁微露膊擎天石柱勝刀削四壁溜文成  
孔雀於後澄潭纓可濯莫究何人橫木樵渡入龍宮迷六幕  
但見石龍眠案卓偃仰崢嶸露頭角鱗甲光輝渾玉璞口瀆

清泉勝酥酪布露興雲在掌握有祈必應真的確親驗其然  
語非謔偶因旱魃恣爲虐火旗燒空誠熾煬金石斯時盡銷  
鑠禾稼焦枯被熏灼父老填門訴民瘼爭訝龍門堪禱禴夏  
侯仕麒才卓犖駿馬□鞍來會約我忝專城膺寄托肯畏勤  
勞或推却車騎聯鑣遜鞭著夾道傳呼眞李郭引睇龍門雲  
閃爍驟雨忽來人不覺倉忙趨走霑囊橐偶遇仙祠暫棲泊  
晚宿禪林暑氣薄細聽僧房轉更柝侵晨請禱心虔恪自責  
居官多誤錯地雷隱隱無擊搏嵐氣氤氳覆幃幄夏侯入洞  
聞仙樂工祝致告神喜諾敬取龍涎水一勺寶瓶盛來旋封  
縛騎卒導前橫玉槩盤空護送來雙鶴中途水沸瓶漬淪旄

常德文徵

卷六

七言古

十四

倪迎迓皆驚愕須臾蒼天雲邈邈雷電掀轟交煜爚輕颺疎  
雨隨車落良久淋漓且不惡甘霖三日無停霏露霖旣優仍  
旣渥嗟嗟雨暘正時若田疇萬頃回枯涸良農競誇有秋穫  
老圃亦言棗堪剝病者自痊何用藥憂者騰歡皆大噓僚窠  
相親動杯酌滿堂嬉笑交酬酢合郡軍民同此樂風俗頓然  
復醇樸慚予性拙兼無學紀述神工多忽畧安能長虹巨筆  
詞豐博寫出龍門神異同五嶽

按此詩舊載劉禹錫作今劉集中無此詩其云我添專城  
夢得僅爲州司馬不得云爾也又云夏侯必明成化

間化指揮夏侯仕麟之誤洞志言夢得有龍門洞禱雨歌  
成化間知府楊宣禱雨而驗作歌是此詩蓋楊宣所禱作今

不可考通志亦沿  
其誤故辨正之

國朝

王

岱

字山長  
湘潭人

酬石溪和尚贈畫

石公筆墨真離竒一石一木匪所思大者山河撐法界小者  
芥粟藏須彌胸中本具千邱壑不與粉本爭起落畫家開口  
稱宋唐了菴大笑連呼錯我觀法界初立時本有神人自開  
拓中有巨山海四隅四部州分四郭廓百千萬億風氣殊世  
眼少見生驚愕石公學道住牛首十數年來閉關久偶然遊  
戲翰墨場豈與兒曹論好醜三昧之趨定慧力斷絕時蹊出  
胸臆徒使見者生歎嗟比似蒸沙不可食若將筆墨求石公

常德文徵

卷六

七言古

十五

面壁那是西來意

董思恭

壽光人知  
常德府

遊桃源洞

我來桃源覓神仙神仙已去留青山青山依舊青未了胡爲  
仙人去不還我來桃源尋洞口洞口桃花何處有幽泉漱竹  
繞孤亭又見僧廬大如斗乃知盛衰迭相主陰陽須臾變今  
古赤松黃石終磨滅可憐秦皇與漢武吾人自有不死藥萌  
芽莫漫斧斤削三十六天一氣通活水原原滄海濶憶昔香  
案侍玉皇下視塵世意飛揚俄而謫回人間住回首蓬瀛殊  
渺茫寥落江湖百事灰惟餘明月傍靈臺欲問仙源只此是

何必紛紛妄求哉吁嗟乎何必紛紛妄求哉

劉失名

楊長蒼洗冤錄歌

廣明之際陽九秋八柱將傾天爲愁滄海橫奔勢莫收嗟哉  
楚人承其流武陵忠孝具至性枕戈誓雪君親仇遭逢主眷  
起苦次墨經不暇爲身謀烈皇臨軒親授鉞廟堂促膝諷前  
籌帑金詔發三十萬晏餞親御南薰樓須臾中貂捧宸翰吟  
成細柳旌條侯君臣灑淚鑿凶去殺氣千里隨蚩尤驕兵悍  
帥盡股慄先聲已據張羅喉瑪瑙血戰賦幾殲武功第一真  
無儔捷書早上思陵喜旦晚飲至纍諸俘困獸偶逸原意外

常德文徵

卷六

七言古

十六

奪符殘藩鬼蜮猶街亭悔不誅馬謖前軍一夜頽旄頭以死  
塞責亦臣職忍待三北空貽羞後來豎儒鼓唇吻局外成敗  
兼恩讎雌黃失實騰百喙九原盆覆何時休側聞逆獻入湖  
湘于公積恨到山邱鞭尸撻墓備慘毒大鳥難尋土一坏殺  
賊豢賊本暴白楚人不幸多齊咻可憐孤兒噴墳臆刺血濡  
墨勞爬搜盡翻劫灰洗冤蠹草木頭脚疏所由辛詞足令鬼  
神泣老筆更與風霜侔尙念遺書無副在白頭抱負求皇州  
酒酣擊筑興爽颯夜闌歡劇提吳鉤我昔羈栖鐵甕城偶檢  
野錄未散憂燈前搦管著小辨燦然花燼如相酬長安重讀  
洗冤錄不禁起舞豁雙眸岳珂籲天天爲泣去疾陳冤冤豈

廋一門忠孝具千古元黃水火徒啁啾

郭

毓字春林  
諸暨人

武陵大水行

極陰源洩崑崙渚黑雲散作瀰漫雨十日五日閤不開千里  
居人盡鍵戶禾頭生耳歎良農瓜蔓腐苗愁老圃水神甲馬  
珮叢鈴飛廉前導陽侯鼓牂牁江勢抱城來橫流迅激關強  
弩駭浪陡高七十尺毒龍怪蛇怒掀舞城西蟻穴潰長隄城  
東犀角穿堅土三更吶喊震萬家急如魚鳥擲網罟穴瓦出  
屋屋已頽石雞不叫天晦莽朗朗忽驚礮礮光一聲霹靂雨  
亂下竄奔有路水爲家飛漂隨流雜男女偶然得樹枝上栖

常德文徵

卷六

七言古

十七

哭聲不斷招柔臚哭多力盡氣息微寂不聞聲沉水府斯民  
百萬將爲魚華堂猶按崑山譜足知錦罽花羶地不識人間  
昏墊苦浹旬瀕洞勢未衰婦求死夫子死父我亦中宵瀕死  
身越人善泅能撐住資裝半已付波臣還留豪氣壯羈旅驚  
魂痛定賦新詩歲在丙戌月夏五君不見桃花洞裏避秦人  
桑麻雞犬長安堵

阮大綬

益陽人

曹吳氏畢命歌

并序

烈婦吳啟秘之女適曹姓年二十八夫故遺伯子方襁  
裸舅姑皆歿惟繼祖姑在會歲歉乏食夫之叔迫令

招夫撫子氏不從號泣  
赴水死時年三十五

妾本儒家女幼嫁里中兒願同比翼鳥願作連理枝十年傾  
所天涕泣誓相隨摩挲兩兒女幼小憐嬌癡堂前無伯仲室  
中無儲資偷生固背義拚死亦不辭勉強事提攜辛苦力操  
持兒女漸長成貧賤甘如飴胡遭不造撤我籬籬乃納狂且  
罔念四維嗚呼噫嘻東日不西出南山不北移節義不可虧  
鬼神不可欺狂且在室意欲何爲履我東房闔拂我東房帷  
忽然整衣履忽然理容姿顛倒日欲夕欸欸前致辭嗚呼噫  
嘻妾頭可斷妾肝可披妾膚可裂妾體可糜妾心堅白不磷  
不淄狂且狂且胡不知前山曲兮水滿池妾死此兮夫復何  
疑夜悄悄勿遲遲九泉之人兮俟妾多時

常德文徵

卷六

七言古

十八

朱失名

永綏守備朱慶錦閣門殉節詩

國家承平百餘年食毛踐土何安然戶口數增十五倍

見上諭

林林總總皆生全有苗一旦忽蠢動焚掠淫殺喪其天中有  
漢奸爲主使雲貴川廣互蔓延巉巖峭壁恃險阻深林密箐  
逞戈鋌郡邑固守不敢入鄉村墟落無人烟民不知兵盡逃  
竄誰歟奮勇乘危顛當時算鎮躬往剿鎮算鎮總兵明安圖被囚鴉西  
地勢偏公時方爲永綏備奉檄馳赴援獨先隨同永綏協副將伊薩納蜂  
屯蟻聚不可遏揮刃力敵攻其堅亡何軍敗鼓聲死公也轉  
戰軀命捐一家妻孥共六口聞信甘心從九泉或刎或縊□

返顧義不受辱寧乞憐迄今有苗已來格

朝廷優卹詔同宣錄其嗣子授世職蔭雲騎尉旌戎旃以後  
仍襲恩騎尉與國罔替姓名鑄丈夫矢志殉國難屍裹馬革  
委窮邊婦女亦知明大節筆諸史冊庸非賢聊誌蕪詞表族

誼余於錦忝  
居叔輩忠烈萬古長流傳

常德文徵

卷六

七言古

十九